

Dahfung ha Dahfung
Beix simnyungq geijlai
Ndiep mbouj ndaej nuengxgvai
Beix dai da mbouj laep

Gou gig gyaез Dahfung, hoeng de cix biek gou bae geij bi mbouj miz saek di yaemsanq.

Ranz Dahfung youq aen mbanj caeuq mbanj gou doxgyawj, gou dai iq couh ndaej caeuq de guhdoihs doegsaw. Seiznyez lij hozoiq, ngoenz hoij van hoij diemz, caez guhcaemz doxriengz, dox yien fwngz guh' angq.

Song dou caemh doeg siujhag, cuhcungh, dahde caen saundei, song mengq raezredred, byaij loh biyedyed, gvaigvetgvet maezvunz. Cuhcungh bizyez le gou bae yienhsingz doeg gauhcungh, Dahfung cix aenvih beixnuengx lai, boh de mbouj miz baenzlai cienz soengq couh mbouj ndaej laebdaeb doegsaw lo.

Youq yienhsingz doeg gauhcungh geij bi, gou ciengzseiz caeuq Dahfung dox doengsaenq gangjgoj. Saekseiz caj haemq nanz mbouj raen dahde miz saenq daeuj, ndawsim gou couh roxnyinh hoengqvangvang, lumj deng doek maz doenghyiengh nei..... Gizsaed, ndawsim gou gaenq laeglemx gyaез hwnj dahde lo. Gou hwnzngoenz doeng ngeix sae siengj, hwnjdangz mbouj miz saek di simgei dingq lauxsae gangjgoq, gij cingzcik gou ciemh ngoenz ciemh doek roengzdaej.

Hwnj gauhcungh sam nienzgaep le, hagsib gaenq dangqmaz bae, mbouj rox vihmaz, Dahfung dwk saenq daeuj caemh ciemh ngoenz ciemh noix lo. Sawqmwh miz ngoenz ndeu, de dwk



fung saenq he daeuj, gou baez cekhai daeuj yawj, doeksat yat! Ndaw saenq dwg roix fwen ndeu:

Mwh beix cieп ndaej saenq
Nuengx aiq gaenq haq vunz
Ndaw ranz hoj ra gwn
Boh aeu vunz ngaenzlaex

Nuengx nauh mbouj siengj haq
Bohmeh ndaq yaek dai
Dangq deng dawz bae gai
Byawz cienz lai couh cimh

Daej dwk da cix va
Lae raemxda biek beix
Yaek lumz mbouj yungzheih
Muengh beix doeg baenz saw
.....

Gou caiq hix yawj mbouj roengzbae, dinfwngz unqniek, genxhoz raixcaix. Mehmbwn ha, saehcingz vihmaz bienqbaenz yienghneix?

Gauhgaug gvaq le, gou doek-

buengj lo, naiqnueknuek dwk dauqma ranzmbanj. Gangj vah lauxsaed, gou lij lumz mbouj ndaej Dahfung, hoeng "Dahfung gaenq haq vunz, ndek beix gwn haemzhoj," gou cij ndaej "beix ndawsim gag hoh, de itloh vuenyungz."

Saetlien dangq maxbag, gaem cag hoj beng ma, ndaw uk luenh dangqmaz, caenh ngeix ra youxnduj. Nuengxgvai ndek beix bae, raemxda lae' byoegbyoeg, daej song da cix foeg, ndaengmug rih langh gangz.

Vihliux ra gwn, gou bae Guengjdoeng ra hong guh. Ngamq bae daengz Guengjdoeng, gou couh dauqcawq bae ra yawj gvangjgau ciugoeng, yawj gizlawz miz hong hab gou guh. Doeklaeng couh deng bang vunzrwix yaeh lo, gij cienz gwnz ndang deng bok bae seuqsat. Gou lumj boux gaujvaq nei, naiqnueknuek dwk byaij gwnzgai, youh hawq youh iek.

Gwnz gai, vunz lai vunz daih, cihung ciq baebae dauqdaug, mbouj

dingz mbouj duenh, song mbiengj gai doenghoux gai gij gwn haenx seng' eiq nyaengqfwdfwd, heiq hom bongj daeuj hawj gou nyaenx mbouj ndaej ndwnj myaiz nwdnwd, lij miz doengh dah cienmonz fugsah vunz haenx cang ndaej gyaеugigi ndwn youq bakdou bouqdozhek riunymnyum heuh vunz haeuj ndaw bouq bae dozyouq. Gou caen siengj gwn saek vanj ngaiz le haeuj ndaw bouq bae yietnaiq. Hoeng gou gwnz ndang mbouj miz saek faen ngaenz lo, cijndei lumj boux vunzbag nei byaij nwdnwd.

"Gomungz." Sawqmwh miz sing dabsau ndeu heuh, dwg heuh gou? Gou coh seiqhenz yawjyawj, cij raen aen bouqdozhek gyawj haenx bakdou de miz dah sau lengjlili ndeu coh gou vad fwngz. O! Dwg Dahfung! Gou lumj lwggayx raen meh nei, sikhaek byaij bae coh de.

"Mwngz youq gizneix guh hong?" Gou cam.

"W!" Dahfung ngaem gyaеuj dwk han.

Gou naeuz: "Fung, gou caengz ndaej gwn ngaiz, gwnz ndang mbouj miz saek faen ngaenz, siengj ciq mwngz aeu....."

"Aeya, gangj maz vah." Dahfung mbouj dingq gou gangj sat, couh rag gou haeuj ndaw bouq hwnj gwnz laeuz, daiq haeuj aen rug' iq ndeu.

Haeuj rug le, Dahfung mbon soujgih daj aen dienhvah ndeu, gangj gij vah dangdieg haenx gou mbouj daih roxyiuj. Gvaq yaep ndeu couh miz vunz soengq hab ngaiz byaek homfwdfwd he haeuj rug daeuj hawj gou gwn.

(caengz sat)



Miz boux daeglwg ndeu gig miz ngaenz, daxmeh de laux lo, heuj vauq caez, de couh hai ci daiq daxmeh de bae hawj canghyw sieng heuj. Baez haeuj yihyen, boux canghyw couh gaisau gak cungj heujgyaj, doeklaeng daxmeh neix senj aeu gij ceiқ bienzngeiz.

Boux canghyw neix raen daeglwg neix gig miz ngaenz, doq naihsim caeuq daxmeh neix gangj gij cizlieng heujgyaj bengz caeuq bienzngeiz ca haujlai. Hoeng, daxmeh neix lijdwg genheiz. Daeglwg de youq henz mbouj miz maz hengzdoengh, cijdwg muengz bae guh saeh swheij, yaep he okbae dwk denva, yaep he okbae citien, lumj naeuz daxmeh de senj gaiq heujgyaj lawz caeuq de mbouj miz maz gvanhaeh. Boux canghyw neix cij ndaej

doengzeiq gij iugouz daxmeh neix.

Daxmeh neix cam boux canghyw gungh aeu geijlai ngaenz liux, couh mbon ok aen ngaenzbau aeu baengz guh, menhmenh hai ok, geq gaeuq ngaenz couh hawj daeglwg de bae bang de gyau ngaenz. Gyau ngaenz ndei, daengz cou laeng caiq daeuj sieng heuj.

Song boux neix baez bae, canghyw gig yawj mbouj hwnj boux daeglwg neix, daenj ndaej gig ndei, yawj hwnjdaej hix wnggai miz ngaenz, vihmaz baenzneix ged, cungj mbouj nyienh ok saek faen ngaenz hawj daxmeh de sieng heujgyaj bengz di. Seizneix caen dwg lai faen ngaenz he gij cizlieng couh mbouj doxdoengz.

Cingqngamj boux canghyw neix baenzneix siengj seiz, daeglwg neix



Mehbaj Mulaujcuz siuqva

youh dauqdaej lo. Yenzlaiz gaxgonq de caengz bae gyau ngaenz. De cingj boux canghyw neix caiq hai mbaw dan ndeu, hawj daxmeh de yungh gij heujgyaj ceiқ bengz, geijlai ngaenz cungj mbouj youqgaenj, de caiq bae gyau ngaenz. Hoeng, ciengeiz mbouj ndaej naeuz hawj daxmeh de, hawj daxmeh de nyinhnaeuz heujgyaj sieng couhdwg ceiқ bienzngeiz couh baenz lo.

Daeglwg neix boh de dai ndaej caeux, ndaw ranz mbouj miz maz

ngaenz, cungj dwg daxmeh de mbaet gwn mbaet yungh caemhcaiқ gaenx guh hong cij ciengx de hung, soengq de doeg dayoz. Yienznaeuz seizneix de miz ngaenz, hoeng daxmeh de gaenq gvaq saedceij gaenxgiemh gvenq lo, gaij mbouj ndaej. Baez rox de cawx huq bengz couh gig yousim. Ndigah, de mbouj siengj hawj daxmeh de rox. Cijaeu daxmeh de sieng heujgyaj, hawj daxmeh de laebdaeb ndaej gwn van ndoet diemz caemhcaiқ angq couh baenz lo.